



Jän Büreejtōn Henry B. Eyring
Rikakpilōklōk eo Kein Kajuon ilo Büreejtōnji eo Kein Kajuon

Kamṡoolol kōn Raan in Jabōt

Nān Armej ro Rekwojarjar ilo Raan-ko Āliktata, Jabōt ej juon raan in kamṡoolol im iakwe.

Ro jeiū im jatū rejitōn bōro ro rej jepelōklōk ipeḷaakin laḷ in ilo Kabuñ eo an Jisōs Kraist im Armej ro Rekwojarjar ilo Raan-ko Āliktata, ij kamṡoolol bwe Büreejtōn Thomas S. Monson ekar kajitōk ippa bwe in kōnono ilo kweilōk in ilo raan in jabōt in. Ij jar bwe Jetōb Kwojarjar eo enaaj ūñūr būruwōmi kōn ennaan in aō.

Rainin, ikōṡaan kōnono kōn eñjake ko ilo bōro. Juon men eo inaj kōnnaan kake rainin ej kamṡoolol—eḷaptata kōn raan in Jabōt.

Jej kamṡoolol kōn men otemjeḷ: jouj jān juon ruwamājet, ṡōñā ñe jej ioon kwōle, bōṡwaj ñe ej itok ḷañ ko, jako būlōk in dii, im ājjimourur in ainikien niñiñ ko rej kab ḷotaktok. Elōñ iaad renaaj keememeḷ kamṡoolol ilo iien rot kein.

Nān Armej ro Rekwojarjar ilo Raan-ko Āliktata, Jabōt ej juon iien, juon raan, in kamṡoolol im iakwe. Irooj ekar kakkōḷ Armej ro Rekwojarjar ilo Jackson County, Missouri, ilo 1831 bwe jar ko aer im aer kamṡoolol ren kajju ñan Anij. Armej ro Rekwojarjar

etto rekar bōk revelesōn kōn wāween kōjparok raan in Jabōt im wāween jitlōk im jar.¹

Er, im kōj, Irooj ekar ba ñan kōj wāween ad kabuñ jar im leḷōk kamṡoolol ilo Jabōt. Ainwōt aṡ jeḷā, ta eo eaorōktata ej iakwe eo jej eñjake ñan ro rej letok mennin letok ko. Erkein rej naan ko an Irooj kōn wāween leḷōk kamṡoolol im wāween iakwe ilo Jabōt:

“Ij leḷōk ñan er juon kien, im ba āindein: Kwōn iakwe Irooj am Anij kōn aolepān būruōṡ, kōn aolepān am maroñ, ḷōṡṡak, im kajoor; im ilo etan Jisōs Kraist kwōn jermal ñan E. . .

“Bwe jej aikuj kamṡoolol Irooj ad Anij ilo men otemjeḷ.

“Kwōn katok juon katok ñan Irooj am Anij ilo jeḷjet, eṡool eo ej bōro eo erub im jetōb eo ettā.”²

Innām Irooj ej wōnṡaanḷōk wōt im kakkōl kōn likjab ñan iakwe im kamṡoolol Jemedwōj Ilañ im Jisōs Kraist ainwōt juon riletok mennin letok ko: “Im ilo eḷjeḷōk men armej ej kainepataik Anij, ak ṡae eḷjeḷōk An illu ej urur, ijellōkun wōt ro rej

jab kile Pein ilo men ko otemjeḷōk, im jab pokake kien ko An.”³

Elōñ iaad rej roñjake kadede im ṡōṡōṡō kōn Jabōt ainwōt juon raan ñan kakeememeḷ im leḷōk kamṡoolol ñan Anij kōn kōjeraamṡan ko. Komṡwij keememeḷ ke al in ebuñbuñ:

Ñe kwoj ion buktak ko an metwan Mour.

Ñe jako kōjatdikdik im Kwoj ebwer, Bwini menin joij ñōn Yuk kajo iair, Inem kwo naj bwiloñ kin an Yokwe Yuk.

Bwini menin joij; Kajo iair.

Bwini menin joij; Im lo bwe ej Yokwe Yuk. . . .

Ebolikim ke kin men ko rej joon Yuk? Eddo ke drebail eo ear kir Yuk ñōn e? Bwini menin joij; berre naj jako, Im kwo naj al im lañlōñ raan otemjeḷ.⁴

Ij ello leta im rilotok jān Armej ro Rekwojarjar ilo Raan-ko Āliktata retiljek ro rej eddodo kōn men ko rej joon er. Jet repaake eñjake in, ekkar ñan er, aolep naaj jako. Ij kōjatdikdik im jar bwe ta eo ij ba kōn kamṡoolol kōn raan in Jabōt enaaj lukkuun jipañ ñan kōṡṡan bwe pere ren jako im al ko ren jino jañ ilo būruwōmi.

Kōjeraamṡan eo kein kajuon eo komaroñ kamṡoolol kake ej bwe kwoj pād ilo kweilōk in kwojkwoj eo aolep iien, kuk ippān doon ippān elōñ ḷōk jān juon ak ruo An rikaḷoor ilo Et eo Etan. Elōñ jet ilo ṡōko ṡweer rejjab maroñ jerkak jān peet ko aer. Elōñ jet rekōṡaan pād ijo kwoj pād ie ak kōnke rej jermal ilo aujipitōḷ

ko ak jermal ko jet ñan kōjparok aenōmman ak baare kōj jän kauwōtata in mour ko aer make ilo āne jamdān im jañkōl. Kōn mool in me komaroñ kobaļok ippān Armej ro jet Rekwojarjar im bōk mōttan kwojkwoj eo enaaj jipañ kōj jino kamṁoolol im iakwe kōn jouj an Anij.

Kōn Rikanaan Josep Smith im jep-ļaahtok eo an gospel, kōjeraamman eo kein karuo ej bwe en wōr ad iien ñan bōk kwojkwoj eo kajjojo wiik—kōpooje, kōjeraammane, im ajeje jän rikarejaran Anij ro ewōr aer mālim. Jemaroñ kamṁoolol ñe Jetōb Kwojarjar eo ej kamool ñan kōj bwe naan ko ilo jar in kwojkwoj eo, kar kōmmane jän ro rikabwijer priesthood eo me emōj kōmālim er, rej mennin utiej ippān Jemedwōj Ilañ.

Jän aolep kōjeraamman kein jemaroñ bwine, men eo elaptata ej eñjake in jeorļok bōd eo ej itok ilo ad bōk mōttan kwojkwoj eo. Jenaaj eñjake iakwe eo elapļok im kamṁoolol kōn Rilomqor eo, eo katok eo an elap ekar kōmmane bwe jen maroñ errejo jän jerawiwi. Ilo ad bōk mōttan pilawā im dān, jej keememej bwe Ekar eñtaan kōn kōj. Im ñe jej eñjake kamṁoolol kōn ta eo ekar kōmmane ñan kōj, jenaaj eñjake iakwe eo an ñan kōj im ad iakwe ñan E.

Kōjeraamman in iakwe eo jej bōke enaaj kōmmane bwe en pidodo ad kōjparok kien ko ñan “keememej e iien otemej.”⁵ Komaroñ barāinwōt eñjake iakwe im kamṁoolol, āinwōt kar ña, kōn Jetōb Kwojarjar eo, eo Jemedwōj Ilañ ekar kallimur bwe enaaj pād ippād iien otemej ñe jej tiljek wōt ñan bujen ko jaar kōmmani. Jemaroñ bwini aolep kōjeraamman kein aolep Jabōt im eñjake kamṁoolol.

Jabōt ej juon iien ejejet ñan kakeememej bujen eo jaar kōmmane ke jaar peptaj ñan iakwe im jermal ñan ajri ro nejin Jemedwōj Ilañ. Kakūrmool kallimur eo emaroñ kitbuuj bōk koñaam ilo kūlaaj ko ak doulul ko kōn aolepān būruōm bwe kwon kalōk tōmak im iakwe eo am ilubwiljijin maan im kōrā ro jeim im

jatūm ro rej pād ippād. Kallimur in enaaj koba mōñōñō in kakūrmool eddo ko ad.

Ij kamṁoolol kōn elōñ Jabōt ko ikar katakin juon doulul in tikōn ilo Bountiful, Utah, barāinwōt juon kūlaaj in Jabōt Jikuuļ ilo Idaho. Im ij bar keememej tōre eo iaer jermal āinwōt juon rijipañ ñan kōrā eo pāleeō ilo kūlaaj eo an nursery, ijo me kar lukkuun eddo eo aō ej elleļok kein ikkure ko im aini.

Ekar elļāļok iio ko moktaļok ke iaer kile kōn Jetōb bwe eddo jidikdik eo aō ñan Irooj ekar lukkuun aorōk ilo mour an ajri ro nejin Jemedwōj Ilañ. Ikar bwilōñ, jet iaer rekar keememej wōt ilo aolepān iio ko in aō jermal ippāer meñe ikar jab lukkuun jeļā ak ikar kajjieoñ ñan jermal ñan Maajta eo ilo raan in Jabōt ko.

Āinwōt kōj jet iien jejjab maroñ lo tōprak in jermal ko ad ilo Jabōt, jemaroñ jab lo tōprak ko an ro jet rikarejaran Irooj. Ak Irooj ej kalōk wōt aelōñ in kiiñ eo An kōn ro rikarejaran retiljek im rettā, ilo an jidikin wōt ad lo wōnmaanļok eo ñan aiboojoj in itok eo an Kraist. Jetōb Kwojarjar wōt emaroñ kōmman bwe jen lo menin ekabwilōñlōñ.

Ikar rūttoļok ilo aō etal ñan kweilok ko an kwojkwoj ilo branch eo ilo New Jersey ippān jejo wōt membōr im juon baamle, baamle eo aō. Jiljilimjuonñoul ļalem iio ko remootļok, ikar peptaj ilo juon wōt kar mōnjar ilo Pennsylvania im New Jersey. Ijo me ewōr juon branch jidikdik ilo Princeton, New Jersey, ijeñ kiiō ewōr ruo ward ko reļļap ie. Im jejo raan remootļok, taujin rūmman ded ro rekar ikkure ilo juon iien kamōñōñō-ik aje eo an Philadelphia Pennsylvania Temple.

Ke ikar likao, kar kūr eō āinwōt juon district mijenede ijo kōm kar kabuñjar ie ilo mōnjar eo ej make wōt ilo Albuquerque, New Mexico. Rainin ewōr juon tampeļ im elōñ stake ko ie.

Ikar etal jän Albuquerque bwe in etal im jikuuļ ilo Cambridge, Massachusetts. Ekar wōr juon mōnjar im juon district eo ikōtaan Massachusetts

im Rhode Islands. Ikar ettōr lōñļok ilo toļ ko ilo jikin eo aiboojoj bwe in pād ilo kweilok in kwojkwoj eo ilo juon branch jidikdik, ilo juon jikin rej reen ie ak em ko reddik rej kōkāali. Kiiō ewōr juon tampeļ eo ekwojarjar iñōn Anij ilo Belmont, Massachusetts, im stake ko me rejepelōklōk ilo bukwōn en.

Ta eo ijjab maroñ lo ilo tōre ko ej bwe Irooj ekar lutōklelep Jetōb eo an ioon armej ro ilo iien kweilok in kwojkwoj ko. Ikar eñjake, ak ikar jab lo an eddōkļok im iien eo ejejet ñan karōk eo an Irooj ñan kalōk im kaiboojoj aelōñ in kiiñ eo An. Juon rikanaan, kōn revelesōn, ekar lo im rekqote ta eo jemaroñ kiiō loe. Nipai ekar ba bwe oran ro uwaan kabuñ eo emaroñ jab lukkuun ļap, ak emman in jermal ko ad rekabwilōñlōñ:

“Im ālikin men kein, iaer lo kabuñ eo an Lam an Anij, im oran ro ie eaar iiet. . . .

“Im ālkin men kein, ña, Nipai, iaer lo kajoor in Lam an Anij, bwe ekar buñ ioon ro rekwojarjar jän kabuñ eo an Lam eo, im ioon armej in bujen ko an Irooj, ro raar ejeplōklōk ioon aolepān mejān laļ; im raar pojak kōn jimwe im kōn kajoor in Anij ilo aiboojoj elap.”⁶

Ilo epepen in, eja kōmeļe in kannan in wōt kōn jekjek ko im iien ko remman imaan rej pād ilo Katak im Bujen ko:

“Kōmij jañin kar meļeļe ewi joñan ļap in kōjeraamman ko ippān Jemān ilo Pein make im kar kōpooji ñan kom;

“Im komij jab maroñ ineeq aolep men otemjeļok kiiō; mekarta, komin mōñōñō, bwe Inaaj tōļok kom. Aelōñ in kiiñ eo ej ami im kōjeraamman ko ie rej ami, im mweie ko an indeo rej ami.

“Im e eo ej bōk aolep men ko otemjeļok kōn kamṁoolol naaj kōmman bwe en wōj; im men ko an laļ in renaaj kobaļok ñan e, emool bukwī alen, aaet, elapļok.”⁷

Iaer eñjake oktak in an ļapļok kamṁoolol kōn kōjeraamman ko im iakwe eo an Anij ej ļapļok ilo aolepān

Kabuñ in. Ilo kalimjōklōk emōkaj an waļōk ilubwiljin ro uwaan Kabuñ in ilo iien ko im jikin ko ijoko eļap idajōñjōne tōmak eo aer, ijoko rej akweļap ñan Anij ñan jipañ er mour maanļōk.

Lien ko jej mour ilo ad ioon melejoñ ko reppen āinwōt kar armej ro an Alma iumin tōl eo an Amulon eo enana, eo eaar likūt eļap eddo ioon aeraer ko rejjab kar maroñ ineeki:

“Im ālikin men kein ainikien Irooj eaar itok ñan er ilo eñtaan ko aer, im ba: Koṃin kotak bōrami im koṃin ineemṃan, bwe I jeļā kōn bujen eo koṃ ar kōṃṃane ñan Eō; im Inaaj bujen ippān armej ro Aō im kōtļōk er jān kōṃakoko.

“Im Inaaj barāinwōt kōmeraik eddo ko kar likūt ioon aerami, bwe eṃool koṃ make koṃin jab eñjaki ioon ālkimi, eṃool ñe koṃij pād ilo kōṃakoko; im men in Inaaj kōṃṃan bwe koṃin maroñ jutak āinwōt ri kaṃool ro ñan Eō tokālik, im bwe koṃin maroñ jeļā kōn ṃool in bwe Ña, Irooj Anij, ij loļōk armej ro Aō ilo eñtaan ko aer.

“Im kiiō ālikin men kein, eddo ko kar likūt ioon Alma im ro jein

im jatin kar kōṃṃan bwe ren mera; aaet, Irooj Eaar kōkajoorļōk er bwe ren maroñ kotak eddo ko aer ilo ejeļōk pen, im raar ajeļōk er ilo itok-limo im kōn ineemṃan ñan aolep ankilaan Irooj.”⁸

Kwe im ña jej rikamool bwe jabde-wōt iien jej kōjparok kien ko an Irooj, eļaptata ñe ej pen, Eaar roñjake jar in kaṃmoolol ko ad kōn ta eo Emōj an kōṃṃan ñan kōj im an uwaak jar ko ad kōn kajoor ñan niknik ilo tiljek. Im elōñ ļōk jān juon kōttan an kaṃōñō-ñōik eok barāinwōt kōkajoor eok.

Kwomaroñ bar bwilōñ kōn ta eo kwomaroñ kōṃṃane ñan mour im kabuñ-jar ilo Raan in Jabōt in ñan kwaļōk kaṃmoolol im ñan kōkajoor kwe make im ro jet kōn mālejoñ ko rej pād iṃaam.

Komaroñ jino kōn jar eo aṃ make ettiño ak jar eo an baamle ñan kaṃmoolol kōn aolepān ta eo Anij ekar kōṃṃane ñan kwe. Komaroñ jar bwe kwōn jeļā ta eo Irooj ekōṃaan bwe kwōn kōṃṃane ñan jermal ñan E im ro jet. Eļaptata komaroñ jar bwe Jetōb Kwojarjar en jiroñ eok kōn juon eo ej make iaan ak ej pād ilo aikuj, ro im Irooj ekōṃaan bwe kwōn loļōk.

Ij kallimuri koṃ bwe jar ko ami renaaj uwaak, im ilo ami jermal ekkar ñan uwaak in jar eo ami, koṃ naaj lo lañlōñ ilo Jabōt im eñjake ṃōñōñō ilo būruwōṃi.

Ij kaṃool bwe Anij Jemād ejeļā im ej iakwe koṃ. Rilṃmōṃ, Irooj Jisōs Kraist, eo ekar pinmuur kōn jerawiwi ko ami kōn iakwe eo ñan koṃ. Er, Jemān im Nejin, rejeļā etam āinwōt Aer jeļā etan Rikanaan Josep Smith ke Rekar waļōk ñan e. Ij kaṃool bwe eñin ej Kabuñ eo an Jisōs Kraist im bwe Enaaj kautiej bujen ko kwoj kōṃṃani im kōkkāali ippān Anij. Piktokūṃ enaaj oktak im erom āinwōt Rilṃmōṃ eo. Kwonaaj kajoorļōk ṃae mālijjoñ ko im ṃae eñjake ko kōn pere kōn ṃool eo. Kwonaaj lo lañlōñ ilo raan in Jabōt. Ij kallimuri koṃ ilo etan Irooj Jisōs Kraist, amen.

KAKEEMEMEJ KO

1. Lale Katak im Bujen ko 59.
2. Doctrine and Covenants 59:5, 7–8.
3. Katak im Bujen ko 59:21.
4. “Ñe Kwoj Ion Buktak Ko An Mour In,” *Al, nōṃ*, 6.
5. Moronai 4:3; 5:2; Katak im Bujen ko 20:77, 79.
6. 1 Nipai 14:12, 14.
7. Katak im Bujen ko 78:17–19; eoon eo eaorōk kar kobaiktok.
8. Mosaia 24:13–15.

Teachings for Our Time

Jān Nobōṃba 2016 ñan Eprōļ 2017, katak ko ilo Priesthood eo an Melkise-dek im Doulul eo an Kōrā ilo Jabōt emān rej aikuj pojak jān juon ak elōñļōk kōnono ko litok ilo Oktoba 2016 kweilōk eo eļap. Ilo Oktoba 2017, kōnono ko remaroñ kāleti jān Eprōļ ak Oktoba kweilōk eo eļap. Būreejtōn ro an Stake im district būreejtōn ro rej aikuj kālet ekōnono ko me renaaj kōjerbali ilo eria kein, ak remaroñ leļōk eddo in ñan bisop ro im branch būreejtōn ro.

Kōnono kein ewōr ilo elōñ kajin ko ilo conference.lds.org.



Jān Būreejtōn Thomas S. Monson

Iaļ Eo Ejimwe ñan Lemōņōņō

*Ij kaṃool kōn menin letok eo eļap eo ej karōk eo an Jemed ñan kōj.
Ej juon iaan iaļ ko rejimwe ñan aenōmṃan im mōņōņō.*

Ro jeiū im jatū rejitōn bōro, jimor ijin ilo Conference Center in im ipeļaaikin laļ in, ewi joñan aō kaṃṃoolol kōn iien in emṃan bwe imaroñ kwaļok ļōmṃak ko aō ippemṃi jibboñ in.

Lemeñoul ruo iiō ko remootļok, ilo Juļae 1964, ikar bōk juon ijitōñ ilo New York City ilo juon Iien Ekkatak an aolep laļ ekar kōmṃan ijeñ. Juon jibboñ ikar etal ñan ekkatak eo kōn Mormon Pavilion eo. Ikar itaakļok ṃokta jān aer kwaļok pija eo an Kabuñ in *Man's Search for Happiness*, juon pija kōn karōk in ļomqor eo ekar erom juon pija ebuñbuñ ilo Kabuñ in. Ikar ijjet iturin juon likao eo bōlen ekar 35 iiō rūttoon. Kōmro kar kōnono jidik. Ekar jab juon membōr in Kabuñ in ad. Innām tōṃa ko rekar marokļok, innām pija eo ekar ijjino.

Kōṃ kar roñjake ainikien eo ej kōmṃane pija eo ej kwaļok kajjitok ko remṃan im meļeļe ñan aolep: Ij itok jān ia? Etke Ij pād ijin? Ij etal ñan

ia ñe inej etal jān mour in? Aolep rekar kijerjer in roñ uwaak ko, im aolep rekar alooj kepaakļok pija eo. Juon kōmeļeļe kōn mour eo ṃokta kar letok, ippān tok juon kōmeļeļe kōn unleplep in mour in ioon laļ in. Kōṃ kar kaṃool juon pija ekaburo-ṃōjṃōj kōn jako eo an juon jimṃa jān laļ in im aiboojoj in an bar koba ippān ro rej iakwe ro rekar wōnṃaan-ļok wōt ippān ñan laļ eo an jetōb.

Ilo jemļokin pija in aiboojoj kōn karōk eo an Jemedwōj Ilañ ñan kōj, jarlepju eo rekar diwōjļok jān ruuṃ eo, elōñ rekar waļok aer kar eñjake jān ennaan eo an pija eo. Rilotok eo ej ijjet iturū ekar jab jutak. Ikar kajjitok ippān ñe ekar emṃan pija eo ippān. Ekar uwaak: “Menin emṃool!”

Karōk eo an Jemed ñan ṃōņōņō eo ad im ļomqor eo ad ej waļok jān mijenede ro ipeļaaikin laļ in. Ejjab aolep armej ro rej roñjake ennaan in ekwojarjar rej bōke im kautiej e. Ijoke, emṃaan ro im kōrā ro ijoko

jabdewōt, āinwōt likao in ṃōtta ilo Iien Ekkatak eo ilo New York, ekar kile ṃool ko an, im rekar likūt neer ioon iaļ eo enaaj tōļļok er ñan kapijuknen eo. Mour ko aer rekar oktak ñan indeeo.

Men eo eaorōk ñan karōk in ej ad Rilomqor, Jisōs Kraist. Eļañne en kar jab katok in Pinmuur in An, aolep ren kar jako. Ejjab bwe, ijoke, baj tōmak ilo E im mijen eo An. Jej aikuj in jerbal im ekkatak, kappukōt im jar, ukweļok im kōmṃanṃanļok kōj. Jej aikuj in jeļā kakien ko an Anij im mour kaki. Jej aikuj bōk kaiñi in ļomqor ko An. Jen wōt ad kōmṃan wāween in, jenaaj bōk ṃōņōņō eo emṃool.

Jej jeraamṃan *bwe ewōr* ippād ṃool eo. Ewōr ippād mālim ñan *kwaļok* ṃool eo. Jen *mour* kōn ṃool eo bwe jen maroñ bōk aolep men ko Jemed ekar kōpooji ñan kōj. Ejjeļok juon men E ej kōmṃane ijjeļokin men eo ej ñan jeraamṃan eo ad. Ekar jiroñ kōj, “Eñin ej jerbal eo Aō im aiboojoj eo Aō—ñan kakūrṃool jab wabanban im mour indeeo an armej.”¹

Jān ṃwilaļ ko an jetōb eo aō, im ilo aolep ettā, ij kaṃool kōn menin letok eo eļap eo ej karōk eo an Jemed ñan kōj. Ej juon iaļ ejimwe ñan aenōmṃan im mōņōņō jimor ijin im ilo laļ eo ej itok.

Ro jeiū im jatū, ij likūt aō iakwe ippemṃi im aō kōjeramṃan āinwōt aō kōjemļoke, im ij kōmṃan āindein ilo etan ad Rilomqor im Ripinmuur, aaet Jisōs Kraist, amen.

KAKEEMEMEJ KO
1. Lale Moses 1:39